

## REGLUGERÐ

### fyrir vatnsveitu Dalvíkur.

#### 1. gr.

Hreppsnefnd Dalvíkurhrepps hefur einkaleyfi til reksturs vatnsveitu og sölu vatns á svæði því, er vatnsveita hreppsins nær yfir og hún getur fullnægt og einnig til hafnarinnar á Dalvík.

#### 2. gr.

Vatnsveitunefnd skipa 3 aðalmenn og 3 varamenn, sem kosnir eru af hreppsnefnd til fjögurra ára.

Annast hún öll framkvæmdastörf, viðhald og endurbætur vatnsveitunnar, fjármál hennar og umsjón eigna, í samráði við hreppsnefnd.

Heimilt er vatnsveitunefnd að ráða sérstakan umsjónarmann vatnsveitunnar, er hefur eftirlit með veitukerfinu og önnur störf í þágu vatnsveitunnar, er henta þykir.

#### 3. gr.

Frá vatnsæðum vatnsveitunnar má enginn leggja vatnsæðar, nema með leyfi vatnsveitunefndar, og má enginn leggja vatnsæðar annar en sá eða þeir, sem vatnsveitunefnd felur það starf. Hver sá, sem vill komast í samband við vatnsveitu Dalvíkur, skal senda vatnsveitunefnd skriflega umsókn þar um.

Umsókninni skulu fylgja upplýsingar um hve mikið vatn hlutaðeigandi telur sig þurfa að nota.

#### 4. gr.

Hverjum húseiganda ber að greiða allan kostnað við lagningu vatnsæðar úr götulögnum í hús sín, og annast viðhald þeirra á sinn kostnað.

Skýlt er hverjum húseiganda að halda vatnsæðum sínum frá götulögnum vel við, og láta tafarlaust gera við þær, ef leki kemur að þeim eða aðrar bilanir. — Hann skal sérstaklega gæta þess, að ekki frjósi í æðunum. — Enginn má eyða vatni að óþörfu. Enginn má setja aflvélar við vatnsveituna, nema með leyfi vatnsveitunefndar eða umsjónarmanns.

#### 5. gr.

Vatnsveitunefnd, umsjónarmanni eða löggiltum vatnsvirkjum, er heimilt að fara um hús manna, þar sem vatnsæðar liggja, til þess að athuga þær og tæki þau, sem sett eru í samband við þær. Ef þeim þykir útbúnaði í einhverju ábótavant, skal tafarlaust bætt úr því á kostnað húseiganda.

Heimilt er vatnsveitunefnd eða umsjónarmanni að loka vatnsæðum fyrir þeim, sem vanrækja að láta gera við bilanir á pípum eða tækjum, eyða vatni að óþörfu eða greiða ekki tengigjöld eða vatnsskatt á réttum gjalddögum, efni, vinnu eða annað, sem vatnsveitan kann að leggja til um stundarsakir.

#### 6. gr.

Engum er heimilt án leyfis vatnsveitunefndar eða umsjónarmanns að taka vatn úr brunahönum vatnsveitunnar, þó þarf ekki leyfi nefndarinnar, ef um brunavarnir er að ræða.

#### 7. gr.

Vatnsveitunefnd getur fyrirskipað takmörkun á vatnsnotkun, ef skortur er á vatni. Þá getur hún og lokað fyrir vatnið þegar þarf, vegna hreinsunar á vatnsgeymum, tengingar eða viðgerðar á vatnsæðum veitunnar. Slíka lokun skal tilkynna

fyrirfram, ef nokkur tók eru á. Fullan vatnsskatt ber að greiða, þó að slík lokun fari fram.

## 8. gr.

Af öllum húsum í lögsagnarumdæmi Dalvíkurkaupþúns, sem virt eru til fasteignaskatts, og vatni er veitt í eða úr næst til vatnsæða í götu, vegi eða opnu svæði, er lóð þeirra telst til, skal greiða vatnsskatt. Skatturinn skal lagður á eftir hinni lögskipuðu fasteignamatsvirðingu húsanna. Skattinn skal einnig greiða af virðingarverði fastra véla, sem í húsinu eru, ef þær eru váttryggðar ásamt því, enda noti þær vatn frá veitunni.

## 9. gr.

Af öllum húsum í lögsagnarumdæmi Dalvíkurkaupþúns, sem svo er ástatt um, sem um getur í 8. gr. reglugerðar þessarar, skal greiða vatnsskatt að upphæð kr. 12.00 af þúsundi fasteignamatsverðs, þó þannig, að lægsta gjald af einbýlishúsi sé kr. 250.00 og af íbúðarhúsi með 2 íbúðum eða fleiri skal lægsta gjald vera kr. 125.00 á íbúð.

Tengigjald greiðir húseigandi um leið og hús hans hefur verið tengt við vatnsæð vatnsveitunnar að upphæð kr. 250.00.

## 10. gr.

Af húsum þeim, sem nota mikið vatn til annarra þarfa en heimilisnotkunar, svo sem verksmiðju, baðhús, þvottahús, iðnaðarfyrirtæki, gistihús o. s. frv., skal greiða aukavatnsskatt eftir vatnsmæli. Aukavatnsskatturinn skal vera kr. 0.25 hver smálest vatns.

Sé enginn vatnsmælir notaður og eigi heldur greiddur vatnsskattur samkvæmt 11. gr., er vatnsveitunefnd heimilt að innheimta af viðkomandi húsi allt að þreföldum vatnsskatti, samanber 9. gr.

## 11. gr.

Auk þess vatnsskatts, er um getur í 9. og 10. gr., skal greiða sem hér segir:

1. Fyrir vatn til skipa kr. 15.00 fyrir smálestina, þó aldrei minna en kr. 35.00 í hvert sinn. Fyrir vatn til hafnar-sjóðs kr. 0.25 hver smálest, enda sjái hann um vatns-dreyfingu til skipa.
2. Af hverri tunnu fullverkaðrar sildar ..... kr. 0.75
3. Af hverri tunnu af síld til frystingar ..... — 0.75
4. Af hverju máli síldar til bræðslu ..... — 0.50
5. Af hverju tonni innvegins fiskjar, slægðum með haus — 3.00
6. Fyrir hverja kind slátraðrar í sláturhúsi ..... — 0.25
7. Fyrir hvern stórgrip slátraðan í sláturhúsi ..... — 10.00
8. Fyrir hverja kind á vetur setta samkv. skýrslu forða-gæzlumanns ..... — 1.00
9. Fyrir hvern stórgrip á vetur settan samkv. skýrslu forðagæzlumanns ..... — 25.00
10. Fyrir vatn til bílþvotta, vörubílar ..... kr. 75.00 árleg greiðsla.
11. — — — — fólksbífreiðar ..... — 35.00 — —
12. — — — — jeppar ..... — 35.00 — —
13. Heimilt skal hreppsnefnd að semja um fast árgjald fyrir neyzluvatn til skipa og báta, sem gerð eru út frá Dalvík.

## 12. gr.

Hreppsnefnd getur ákveðið að hækka eða lækka vatnsskatt þennan allt að 50%, eða einstaka liði.

## 13. gr.

Hver sem skemmir eða saurgar vatnsæðar vatnsveitunnar, vatnsgeyma, brunahana eða önnur mannvirki, sem heyra vatnsveitunni til, skal greiða fullar bætur samkv. mati tveggja óvilhallra manna, og sæta sektum fyrir.

Hver sá, sem sannur verður að sök, um að taka vatn án heimildar eða á annan hátt en ráð er gert fyrir í þeim tilgangi að losna við að greiða lögmat gjöld fyrir, skal sæta sektum nema þyngri refsing liggji við samkv. hegningarlögunum. Auk þess greiði hann fyrir vatnið eftir mati umsjónarmanns eða vatnsveitunefndar.

## 14. gr.

Skýlt er manni að láta af hendi land sitt, landsafnot og mannvirki í þágu kaupþúsins og þola þær kvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir eftir mati, ef eigi næst samkomulag.

## 15. gr.

Gjalddagi vatnsveitunnar er almanaksárið.

Gjalddagi vatnsskatts er 30. júní ár hvert og greiðist skatturinn í einu lagi fyrir líðandi ár.

Eigandi vatnsskattsskyldrar eignar ber ábyrgð á greiðslu skattsins. Vatnsskattinn má taka lögtaki og er hann tryggður með lögveði í eigninni í næstu tvö ár eftir gjalddaga með forgangsveði fyrir hvers konar sanningsveði og aðfararveði.

## 16. gr.

Brot gegn reglugerð þessari varða sektum allt að kr. 500.00, nema þyngri refsing liggji við að lögum. Með mál út af brotum á reglugerð þessari skal farið sem almenn lögreglumál.

Reglugerð þessi, sem samin er og samþykkt af hreppsnefnd Dalvíkurhrepps, staðfestist hér með samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi felld reglugerð fyrir vatnsveitu Dalvíkur, nr. 256 22. nóvember 1950.

*Félagsmálaráðuneytið, 23. janúar 1963.*

F. h. r.

Hallgrímur Dalberg.

*Jón S. Ólafsson.*

## AUGLÝSING

**um staðfestingu á fundarsköpum fyrir hreppsnefnd Miðneshrepps.**

## 1. gr.

Rétt til setu á fundum hreppsnefndar Miðneshrepps eiga 5 kjörnir hreppsnefndarmenn, auk sveitarstjóra. Þeir ræða og gera ályktanir um sveitarmálefni.

Sveitarstjóri hefur ekki atkvæðisrétt á fundum, nema hann sé jafnframt kjörinn hreppsnefndarmaður.

Varamenn taka sæti á fundum í forföllum aðalmanna samkvæmt gildandi sveitarstjórnarlögum.